

UNIVERSITI SAINS MALAYSIA

Peperiksaan Semester Pertama

Sidang Akademik 1998/99

Ogos/September 1998

HMT 225 - Sosiologi Bahasa (Penerapan Kepada Bahasa Malaysia)

Masa: [3 jam]

KERTAS PEPERIKSAAN INI MENGANDUNGI ENAM (6) SOALAN DI DALAM DUA (2) HALAMAN.

Jawab **LIMA** (5) soalan.

Tulis nombor 1 sehingga 6 secara berturutan di muka hadapan buku jawapan anda sama ada soalan tersebut dijawab atau tidak. Beri tanda pangkah di hadapan nombor soalan yang tidak dijawab.

1. Bincangkan ciri-ciri yang seharusnya dimiliki oleh anggota komuniti bahasa Melayu tulen di Malaysia.

[20 markah]

2. Soalan [a] sehingga [c] berdasarkan petikan laras klasik bahasa Melayu yang berikut:

Sebermula diceterakan oleh orang yang empunya cetera ini sekali persetua raja dewa lela mengerna pergi berburu dengan segala bala tenteranya sekalian maka ia pun beroleh kijang emas terlalu indah-indah rupanya itu maka disuruhnya hantarkan kepada tuan puteri ratna gemala nehran dengan seketika itu juga sampai maka ia pun masuk ke dalam istana maka dilihatnya tuan puteri duduk dengan seorang laki-laki dihadap oleh segala bidadari setelah itu maka bentara itu pun kembali dan disuruh tuan puteri bidadari panggil ia maka tiada didengarkannya maka segeralah juga ia berlari-lari kembali maka dayang itu pun kembalilah kepada tuan puteri seraya berdatang sembah ya tuanku tuan puteri maka sudahlah patik panggil bentara itu maka ia tiada juga mahu datang mengadap tuan puteri....

(Dipetik daripada Abdullah Hassan, 1992: 187).

../2

- a) Apakah unsur bahasa paling ketara yang membezakan laras di atas dengan laras-laras lain?
- b) Laras di atas boleh dialihlaraskan ke laras-laras lain. Apakah maksud alih laras? Apakah beza alih laras dengan alih bahasa?
- c) Alih laraskan teks laras klasik di atas ke laras umum.

[20 markah]

3. Mengapa sebutan bahasa Melayu standard tidak boleh seragam seratus peratus?

[20 markah]

4. Huraikan dua komponen utama dalam perancangan dasar bahasa yang membentuk profil sosiolinguistik di Malaysia.

[20 markah]

5. Hubungkaitkan struktur masyarakat dengan corak diglosia yang wujud di Malaysia.

[20 markah]

6. Huraikan perkara berikut secara ringkas dengan menyertakan contoh-contoh daripada bahasa Melayu:

- a) Repertoir bahasa dan repertoir pertuturan.
- b) Perbezaan geografi dialek [dialektologi] dan dialek geografi.
- c) Dwibahasa masyarakat dan dwibahasa individu.
- d) Penentuan norma dalam aktiviti pembakuan bahasa.

[20 markah]